



FAHARI YETU

HALMASHAURI YA ARUSHA



Arusha Dc Kazi Inaendelea



**UJENZI WA
NYUMBA NNE
(4) ZA
WATUMISHI WA
AFYA**

Milioni
200



www.arushadc.go.tz



Arusha District Council arusha_district_council

HALIUZWI

MILIONI 200 ZAKAMILISHA NYUMBA NNE ZA WATUMISHI WA AFYA.

Na Elinipa Lupembe

Katika utekelezaji wa mikakati ya serikali ya kuboresha miundombinu kwenye vituo vya kutolea huduma za Afya, serikali imefanikiwa kuwekeza kwenye ujenzi wa nyumba za watumishi lengo likiwa ni kuhakikisha wananchi wanapata huduma za afya katika maeneo yao na kwa muda wote.

Katika mwaka wa fedha 2021/2022, halmashauri ya Arusha ilipokea kiasi cha shilingi milioni 200 fedha kutoka Serikali kuu kwa ajili ya ujenzi wa nyumba 4 za watumishi kwenye vituo 4 vya Afya vilivyopo maeneo ya pembezoni.

Mkurugenzi Mtendaji halmashauri ya Arusha Seleman Msumi, amebainisha kuwa kiasi hicho cha fedha kimetumika kujenga nyumba 4 za watumishi wa afya kwa gharama ya shilingi milioni 50 kwa kila nyumba.

"Fedha hizo zimejenga nyumba za watumishi kwenye maeneo ambayo watumishi hawakuwa na mahali pa kuishi na kulazimika kuishi mbali na vituo vyao vya kazi, nyumba hizi zimejengwa kwenye zahanati za LoovLukuny na Ilkerini kata ya Kisongo, zahanati ya Ilkirevi kata ya Olturoto, na kituo cha Afya Nduruma". Amefafanua Mkurugenzi Msumi

Naye Mkuu wa Idara ya Mipango, Anna Uri, amesema kuwa fedha hizo ni utekelezaji wa malengo ya bajeti ya halmashauri ya mwaka wa fedha 2021/2022 ya kuboresha mazingira ya watumishi ili kuongeza tija na ufanisi katika kazi.

Aidha, Mganga Mfawidhi zahanati ya Ilkirevi kata ya Olturoto, Dkt. Atu Sanga, amesema kuwa uwepo wa nyumba ya mtumishi wa afya, utaongeza tija na ufanisi wa kazi, ikiwa ni pamoja na kutoa huduma za afya kwa masaa 24.

"Mtumishi akiishi eneo la kazi inampunguzia gharama za kulipa kodi ya nyumba lakini inatuwezesha kutoa huduma za dharura hasa nyakati za usiku". Amefafanua Dkt. Sanga.

Hata hivyo Diwani wa kata ya Olturoto, Mhe. Baraka Simon, ameishukuru serikali ya awamu ya sita chini ya uongozi wa Mheshimiwa Rais Samia Suluhu Hassan, kwa utekelezaji wa miradi katika sekta zote hususani sekta ya afya ambayo ni muhimu kwa afya za wananchi.


"Ninampongeza na kumshukuru mheshimiwa Rais, kwa niaba ya wananchi wa Olturoto, ujenzi wa nyumba ya mtumishi ni wazi utaongeza tija katika utendaji kazi lakini uwanda mpana wa upatikanaji na utoaji wa huduma za afya kwa wananchi sambamba na kupunguza vifo vya wanawake na watoto". Amesisitiza Mhe. Simon.

Awali ujenzi wa miundombinu ya afya ni utekelezaji wa Ilani ya Chama cha Mapinduzi wa kuongeza vituo vya kutolea huduma za afya nchini ikiwemo zahanati, vituo vya afya na hospitali pamoja na nyumba za wahudumu wa afya.

NYUMBA YA MTUMISHI ZAHANATI YA LOOVILUKUNY KATA YA KISONGO



NYUMBA YA MTUMISHI ZAHANATI YA ILKERIN KATA YA KISONGO



NYUMBA YA MTUMISHI ZAHANATI YA ILKIREVI KATA YA OLTUROTO




NYUMBA YA MTUMISHI KITUO CHA AFYA NDURUMA KATA YA NDURUMA





FAHARI YETU

HALMASHAURI YA ARUSHA



enaboishu
FM RADIO 101.3

Mawasiliano; S. L. P 2330, Arusha | Barua pepe : ded@arushadc.go.tz


Fuatilia kurasa zetu za Mitando ya kijamii kwa habari na matukio mbalimbali zinazoenesha utekelezaji wa shughuli za Maendeleo katika Halmashauri ya Arusha kama zilivyoainishwa hapa chini.



www.arushadc.go.tz



Arusha District Council



arusha_district_council